

無毋通禁止辭狎玩習所居身之所處厭猶惡而棄之也平  
日所處凡損壽戕身之事無所畏憚狎習爲常安然爲之言  
不畏威也厭所生謂傷生速死是厭惡其所生而棄其命大  
威至矣

夫惟不狎是以不厭

不狎舊本作不厭盧陵劉氏云上句不厭當作不狎今從之  
夫惟不狎其所居而畏所畏是以不厭其所生而大可畏者  
不至矣

是以聖人自知不自見自愛不自貴故去彼取此

自知自知愛身之道自見自顯著所知以示人自貴卽後章

道藏輯要

道德真經註

堯

心集十  
川三

貴生言貪生之心太重也聖人於自愛之道雖自知於申然  
含德襲明知若不知亦不表表示人自見於外雖自愛之篤  
然體道自然若無以生爲亦不切切貪生自貴之過彼謂自  
見自貴此謂自知自愛上文言不畏則有大威之禍不狎則  
有不厭之福皆爲眾人言爾若聖人則不待畏而自無可畏  
不待毋狎而自無所狎內有自知自愛之實外無自見自貴  
之迹所無者所去也所有者所取也

右第六十章

勇於敢則殺勇於不敢則活此兩者或利或害

此言用刑力之過人者勇也敢敢爲惡不敢不敢爲惡設言

二人皆麗於法其一勇於敢者敢爲惡之心過於人蓋怙終故犯之人也則當殺之虞典以爲賊刑周誥以爲非眚惟終迺不可不殺也其一勇於不敢者不敢爲惡之心過於人蓋眚災誤犯之人也則當活之虞典謂眚災肆赦周誥謂非終惟眚時乃不可殺是也刑故宥過兩者帝王之刑老子之意則又不然言此兩者一利一害利謂勇於不敢而活之者爲宜害謂勇於敢而殺之者恐或誤殺也然則不敢者固宜活之敢者亦不宜殺之也

天之所惡孰知其故是以聖人猶難之

敢爲惡之人乃天所惡然天之所惡深昧難測何以知其果

道藏輯要

道德真經註

卷

心集十  
X-1-13

爲天所惡之人乎其人雖可殺聖人猶有難之之意而不敢輕易殺之也

天之道不爭而善勝不言而善應不召而自來坦然而善謀天網恢恢疏而不失

聖人不輕易殺之則爲惡者皆得漏網而天網不漏也天之於惡人非如人之以力與爭而天定自能勝人非如人之以口與言而其應如響應聲其報應之速不待召之而自來至惡有惡報雖用智計不可逃免天雖無心坦然平易而巧於報應有非人謀之所能及此天網恢恢廣大似若疏而不密然未嘗失一惡人無得漏網者聖人雖不殺之而天自殺之



也

民不畏死奈何以死懼之若使民常畏死而為奇者吾得執而殺之孰敢

奇不正也使愚民常有畏死之心而奇邪為惡者吾得執而殺之則人人知畏孰敢為惡然雖殺惡人而人之敢為惡者不止則是民愚不知畏死雖為惡者必遭刑殺彼亦無所懼上之人奈何以死懼之而輕易殺人乎

常有司殺者夫代司殺者殺是謂代大匠斲夫代大匠斲希有不傷手矣

不以死懼其人為惡者可不殺乎曰有司殺者在司殺者天

道藏輯要

道德真經註

全

心集十

也惟天為能殺人惟大匠為能斲木人欲代天殺人猶代匠斲木也代斲者手必多傷以譬代殺者身必多害也蓋不有人禍必有天刑

右第六十一章

凡五節一節言用刑正例不可盡從蓋哀

殺三節言天之能為人殺者以示教四節言民不可懼而不輕殺五節言人欲代天殺者以示戒大哉老子之

民之飢以其上食稅之多是以飢

食謂君所食於民者稅則民之所出以供上之食者也上多

取於民則民飢且貧矣

民之難治以其上之有為是以難治